

Vielleicht in an ondern Lebn

Sonja Aria Sperr

A kloana Fisch im Wossa, in an Ozean voll mit Müll und Kunststoff umgebn

Wonn der sei Mama frog: Wonn finden wir a Meer gonz rein und kloar?

Kriagt er zur Antwort: Vielleicht in an ondern Lebn

A kloanes Kind des vor den Trümmern steht, vom Zuhaus, zerstört durch a Bebn

Wonn des sei Mama frog: Wonn finden wir an Ort, wo unser Haus ned zerbricht?

Donn kriagt zur Antwort: Vielleicht in an ondern Lebn

Und wonn i n'Herrgott frog:

Wonn kummt de Zeit wo ka Mensch mehr Angst hom muass

Wo Frieden herrscht, und koa Tier mehr Leid erlebt?

Und wonn i n'Herrgott frog:

Wonn hört endlich der Schmerz in mein'Herz drin auf?

Kriag i zur Antwort: Vielleicht in an ondern Lebn

A kloana Wal, ned weit weg von Japans Meeresstrond, sei Vota muasste sich den Fischern ergebn

Wonn der sei Mama frog: Wonn werden wir nimmer des Menschens Beute sein?

Kriagt er zur Antwort: Vielleicht in an ondern Lebn

A kloanes Kind in Afrika, geplagt von Hungersnot, des koan Schnee kennt und a koan Regn

Wonn des sei Mama frog: Wonn derf i so vü essen, bis mei Bauch zerplotzt

Donn kriagts zur Antwort: Vielleicht in an ondern Lebn

Und wonn i n'Herrgott frog:

Wonn kummt de Zeit wo ka Mensch mehr Angst hom muass

Wo Frieden herrscht, und koa Tier mehr Leid erlebt?

Und wonn i n'Herrgott frog:

Wonn hört endlich der Schmerz in mein'Herz drin auf?

Kriag i zur Antwort: Vielleicht in an ondern Lebn

A kloaner Rehbock in unsern Woid, gonz in der Näh, a Kugel traf sein'Freund

und er konnt nichts mochn dagegen

Wonn der sei Mama frog: Wonn wern die Jäger amoi d'Gwähr' wegalegn?

Kriegt er zur Antwort: Vielleicht in an ondern Lebn

A kloana Bua irgendwo in an Kriegsgebiet, gezwungen, unschuldige Männer zu erlegn

Wonn der sei Mama frog: Wonn finden wir a Lond, in dem i koane Woffn trogn muass?

Kriegt er zur Antwort: Vielleicht in an ondern Lebn

Und wonn i n'Herrgott frog:

Wonn kummt de Zeit

Wo ka Mensch mehr Angst hom muass

Wo Frieden herrscht, und koa Tier mehr Leid erlebt?

Und wonn i n'Herrgott frog:

Wonn hört endlich der Schmerz in mein'Herz drin auf?

Kriag i zur Antwort: Vielleicht in an ondern Lebn

Und wonn i n'Herrgott frog:

Wonn derf i meine Wünsche und Träume lebn?

Wonn kummt de Zeit, wo du mir dafür gibst dein'Segn?

Und wonn i n'Herrgott frog:

Wonn derf i an ondern Menschen mei Liebe gebn?

Kriag i zur Antwort: Des derfst dei gonzes Lebn